

七十二家集

陸清河集卷之五

晉吳郡陸雲士龍著

明閩漳張爨紹和纂

書

移太常府薦張贈書

蓋聞在昔聖王承天御世般薦明德思和人神  
莫不崇典謨以教思興禮學以陶遠是以帝堯  
昭煥而道協人天西伯質文而周隆二代大晉  
建皇業配天地區夏旣混禮樂將庸君侯應歷

運之會贊大人之期博延俊茂熙隆載典伏見  
衛將軍舍人同郡張瞻茂德清粹器慮深通初  
慕聖門棲心重似啓塗及階遂升樞輿抽靈匱  
於祕宮披金滕於玄夏思樂百氏博採其珍辭  
邁翰林言敷其藻探微集逸思心洞神論道屬  
書篇章光觀含青宰府婆娑公門棲靜隱寶淪  
虛藏器襲裳襲錦褐衣被玉曾泉改路懸車將  
邁考槃下位歲華屢遷縉紳之士具懷儼恨方  
今太清闢宇四門啓籥玄綱括地天網廣羅慶

雲興以招龍和風起而儀鳳誠嚴穴耀潁之秋  
河津託乘之日也而瞻沈淪下位羣望悼心若  
得端委太學錯綜先典垂纓玉階論道紫宮誠  
帝室之瑰寶清廟之偉器廣樂九奏必登昊天  
之庭韶夏六變必饗上帝之祀矣

答車茂安書

雲白前書未報重得來况知賢甥石季甫當屈  
鄭令尊堂憂灼賢姊涕泣上下愁勞舉家慘戚  
何可爾耶輒爲足下具說鄭縣土地之快非徒  
浮言華豔而已皆有實徵也縣去郡治不出三  
日直東而出水陸並通西有大湖廣縱千頃北  
有名山南有林澤東臨巨海往往無涯汜船長  
驅一舉千里北接青徐東洞交廣海物惟錯不  
可稱名過長川以爲陂燔茂草以爲田火耕水

種不煩人力決泄任意高下在心舉鉞成雲下  
鉞成雨旣浸旣潤隨時代序也官無逋滯之穀  
民無飢乏之慮衣食常充倉庫恒實榮辱旣明  
禮節甚備爲君甚簡爲民亦易季冬之月牧  
旣畢嚴霜隕而蒹葭萎林鳥祭而罽羅設因民  
所欲順時游獵結且繞堊密罔彌山放鷹走犬  
弓弩亂發鳥不得飛獸不得逸真光赫之觀盤  
戲之至樂也若乃斷遏海浦隔截曲隈隨潮進  
退采蚌捕魚鱣鮪赤尾鰓齒比目不可紀名鱸

鯢鯢炙鯢鯢烝石首臠鯢鯢真東海之俊味肴  
膳之至妙也及其蚌蛤之屬目所希見耳所不  
聞品類數百難可盡言也昔秦始皇至尊至貴  
前臨終南還燕阿房離宮別館隨意所居沈綸  
涇渭飲馬昆明四方奇麗天下珍玩無所不有  
猶以不如吳會也鄉東觀滄海遂御六軍南巡  
狩登稽嶽刻文石身在鄮縣三十餘日夫以帝  
王之尊不憚爾行季甫年少受命牧民武城之  
歌足以興化桑弧蓬矢丈夫之志經營四方古

人所歎何足憂乎且彼吏民恭謹篤慎敬愛官  
長鞭朴不施聲教風靡漢吳以來臨此縣者無  
不遷變尊大人賢婦上下當爲喜慶歌舞相送  
勿爲慮也是下急啓喻寬慰具說此意吾不虛  
言也停及不一一陸雲白

車永與陸雲書附

永白間因王弘季有書惟是下無答外甥石  
季甫忽見使爲鄧令除書近下因令便道之  
職得此罔然老人及婦自聞此問三四日中



了不能復食婦晝夜號泣不可忍視外甥之  
中老人真自愛恤季甫恒在目下卒有此役  
舉家慘慼不可深言昨全伯始有一將來是  
句章人具說此縣既有短狐之疾又有沙蠅  
害人聞此消息倍益憂慮如其不行恐有節  
目良爲愁憤足下可具示土地之宜企望來  
報車永白

又答陸雲書附

永白卽日得報披省未竟懽懽踊躍輒於丹

前伏讀三周舉家大小豁然忘愁也是下此  
書足爲典誥雖山海經異物志二京兩都殆  
不復過也恐有其言能無其事耳雖爾猶足  
息號泣懽怍笑也府君入後月當西出足下  
可豫至界上吾欲先一日與卿相見也答不  
復多車永白

與戴季甫書

雲顛首顛首惟夏始暑願庠館萬福疾病處遠  
人信希少情問闕替申間曠年瞻慕敬想興言  
反側隆敦比辱慰誨銜抱豐眷以增愚迹不勝  
勤企謹及君之書不以備隆敦上有脫誤

又

陸雲顛首顛首曠遠以來忽踰年載宗想輝蔭  
引領惟慕東歸之後疾患增瘳且道路悠遠不  
值信便久念自脩而經年不果雖在伏枕至於

結心注望實係光塵累蒙誨命舊眷惟新執對  
之日如或面展長塗自替聽誨末由瞻企勤戀  
守以委重表不具今更繼情

又

季鸞公世相係徂落俊德茂業邦家之彥一朝  
並逝永爾淪沒哀痛切裂不能自勝柰何柰何  
江南初平人物失叙當賴俊彥彌縫其闕加在  
二賢楚國之良沈寶積實未重大朝重惟痛恨  
言增哀咽誠念仁風篤烈如在疇昔意愛所隆

嗟悼之心誠不可言傷蒙其分情兼切傷加承  
仁誨益以惻愴

又

武陵於荊州云多人士聞周孟子伍令明潘世  
長諸人竝爲美德心常依依今日遭遇良驥展  
才之秋也不審達者凡有幾人無因聽承誨語  
咨稟未聞每懷勤企表不盡言

又

長游前下停此十餘日想德欣喜無以爲喻分

別恨恨于今戀之當暑遠涉益追心懸清粹沈  
茂思敏通微居德履道秉心真實貴一時良彥  
君之別久見之懽察風姿美令心神烈暢已成  
美器欽愛之情款然至實近聞若思未有通塗  
每用於邑

又

周安東昔奄薨徂追慕切剝不能自勝勲業弗  
究早爾背世遺惠鄙州民物同哀備記名義情  
兼切裂在此會同每言高重武陵至心款列誠

念爲終必垂悵悵王季楊孝友行素旣簡清塵  
在此接近備其所顧居心秉尙用志不苟公私  
操實足爲美器今爲土斷品還此郡前羣小虛  
妄遂下其編牒爲之憤歎人物遠土彝倫多失  
願垂木光益有以潤區區至心謹復言意戴彥  
遠承昌猶爲遠小想其必有惠政耳

又

郭敬言蒸陽良才遠負爲之邑歎以其姿望足  
以致高想不久爾耳石行文在無錫大有清績

一州之高功長吏此家行素道實州間所稱嘖  
昔接事旣盡其才願重榮益以成其實允在羽  
族思附鳳翼風塵所集無不拭目



與張光祿書

長幼之序人倫大司季世多難失敬在昔敢希  
令典求思自邁謹奏下敬以藉虔款

又

顧令文彥先每宣隆眷彌泰之惠懷德惟慙守  
以反側旣睇仁風委心自昵加與沛君分同骨  
肉憑藉之懷疑心如結

又

加蒙顧遇重以傾倒惟亮歸誠石行文敦素篤

遂道實茂淑器敏旣矣思學又快南州良德今  
若東行望風自託其意縱縱願厚接納副其乃  
心

與朱光祿書

少長之禮教化所崇中葉陵遲舊章廢替追惟  
前訓思邇在昔敢慕高義謹奏下敬

與嚴宛陵書

少長之序禮之大司晚節陵替舊章殘棄瞻言  
令典旣慕欽承仰憑高風實副邦民謹奏下敬  
以藉虔款思復未遠庶免悔吝

嚴隱答陸雲書附

奉詠美旨流風綽遠復禮興仁命世之作獲  
尚齒之况無尊賢之報抱此永懷愧歎何有  
君子弘道厚文無施是用釋筆歸于神要

與楊彥明書

雲白欽明去書不悉彥先來得書以爲慰時去  
荊在歲行復半悲此推移終然何及漸已欲熱  
想自如常悠悠守限良談未日眇然東望思以  
叙至及友憤罔不多行矣愛德往來相聞

又

雲白省示累紙重存往會益以增歎年時可喜  
何速之甚昔年少時見五十公去此甚遠今日  
冉冉已近之已耳順之年行復爲憂歎也柯生

而多悅樂春未厭秋風行戒已悲落葉矣人道  
多故懼樂恒乏遨遊此世當復幾時各爾永鬲  
良會每闌懷想親愛寤寐無忘書無所悉

彥先來相欣喜便復分別恨恨不可言階塗尙  
否通路今塞令人惘然名論允進遠而有光者  
度此顯期不淹民望耳廟堂之士比迹山樓者  
悲歎豈惟一人少明湘公亦不成遷名公之舉  
且可以爲資然今恨恨當行行復有宜耳

又

彥先相說疾患漸欲增廢深爲怛然行向衰篤  
疾來應百年之望雖未必此爲疑然親親所以  
相卹之一感耳想懃服藥行復向佳耳吾旣常  
羸聞來體中亦恒少賴日爾勿勿則堪自力未  
速待罪會期難尅情之戀想何勞之多好自愛  
屢相聞

又

行言竟行令人恨之已當至未耶能少留不世  
明篤行至性如前後所論語其偶爾旋異能悟

耳而聞其遂遠溯真使愕然寧以所不可虧一國之清格乎輒便絕意彥先所一二

又

戴會稽如是便發分別恨然一時名士惟當有此君耳失分重勞令人歎息嘗得日夕真家人若思望之清才俊類一時之彥嘗並得接九月申可得達東禮衡陽長沙甚快東人近未復有見叙者公進屈久恒爲邑罔黨方有清塗薄國讓在內申大有好稱此家一時美德也在事又



佳甚快甚快

又

永耀已葬冥冥遠矣存想其人痛切肝懷奈何  
奈何聞伯華善佳深慰存亡人生有終誰得免  
此且使繼嗣克勝堂構有紹亦存亡之願也朋  
類喪索同好日盡如此生輩那可復多耶臨書  
酸心

與陸典書

雲再拜自曠但爾已復經時限制長路惟親未  
期驗近晨風傾匡緒言來誨綢繆篤眷彌隆誦  
玩千周以當侍會靜言莫瞻翹翹仰慕大人汜  
愛在我尤弘每啣思戀何時去心限此省省願  
言用替遙瞻靈丘感時情傷往來信理有更繼  
情如有信唯不玉音

又

雲再拜侍郎比侍數會同邪常憶戀此君不慙

有殞此君公私竝愴年長而志新齒邁而曾勤  
家宗美者也常感其篤分封之始年相見重達  
其至心

又

雲再拜日月運邁一何流速銜哀經變繫思愈  
深亡靈處彼黃塘幽曠在遠之憶心常愴裂含  
痛靡及悠悠奈何想時時復一省視思至心破  
無所屬情叔父一兄故尙未達想不久至耳深  
憂徙際公私哀罔曠離山墓永適異國四時靈

寂桑梓靡循且念親各爾分析情感復結悲歎  
而已知大人每垂卹逮也臨表悲猥絕筆餘哀  
不知所次雲再拜

又

每念彥先情兼剝裂年盛志美令姿可借舉言  
及此不知心傷也

又

雲再拜國土之邦實鍾俊哲太伯清風遯世立  
鰲龍蜿蜒東嶽三讓天下垂化邁迹百代所睎高

蹤越於先民盛德稱乎在昔續及延陵繼響馳  
聲沈淪漂流優遊上國聆音察微智越衆俊通  
幽暢遐明同聖哲言偃昭烈於孔堂員武邁功  
於諸侯自秀偉相承明德繼踵亦爲不少吳國  
初祚雄俊尤盛今日雖衰未皆下華夏也來謗  
所及遐邇同懷重及二聖下逮衆子或生兇狄  
或在邊域勲美之隆實如嘉誨愚以東國之士  
進無所立退無所守明裂皆苦皆未如意雲之  
鄙姿志歸丘壟華門闔審之人敢睎天望之冀

至於紹季札之遐蹤結肅肝於中夏光東州之  
幽昧流榮鼎於朝野所謂窺管以瞻天緣木而  
求魚也重申不刻雲再拜

又

雲再拜每惟大人挺自然之妙質稟淵姿之弘  
毅克壯其烈兼詠之道希文尚武潛居以娛其  
志靜處以育其神遊步八素之林逍遙德化之  
囿豈如某者牽曳璚璚世道通明俊又在官焉  
使晞世之寶久隱岑嶮之山逸景之迹永繫幽

冥之坂方將車乘回綸束帛箋箋排金風於太  
微跨天路以妙觀恢皇綱之大烈垂榮祚乎祖  
宗此乃大人之所宜循非允夫之可企望也無  
因親展書以言心心之所積萬不叙一雲再拜

又

雲再拜巨卿前行陵有小事惟以具聞事已大  
了猶以爲顧行欲取歸念別方至豫以愍然每  
相見未嘗不以大人爲言想令仁士光令遠公  
然兄弟屢數常存思想想令遠分好已爲綢固

彥恩復蒙訪撫耳無因覲對言不盡心屢垂誨  
以慰遠思雲再拜

又

雲再拜巨卿在臺高譽洋溢洛邑之內無不欽  
敬東南之貴寶真不但會稽之篠簜也每會常  
共歌詠信無一面不歎吟也想方周旋攜手散  
今日之思耳雲再拜

又

雲再拜輒宣來意仲應此家大自欽重大人儻



已見其意耳

又

雲再拜不知從事今在州得假歸耳想今來得  
行有緣待面耳每得令遠書感賴豐化言歸于  
款來誨恤及亦爲無已情深欣如云在身年歲  
及人名聞難集非賴師友何以自濟願敦惠助  
爲之光輔巨仁在此華亭之望以大人爲宗主  
宜令小大得分亦崇洪業也雲再拜

弔陳永長書

雲頓首頓首哀懷切但賢弟永曜早喪俊德酷  
痛甚痛奈何陸士龍頓首頓首

又

雲頓首頓首天災橫流禍害無常何圖永曜奄  
忽遇此凶問卒至痛心摧剝奈何奈何想念篤  
性哀悼切裂當可堪言無因展告望企鯁咽財  
遣表唁悲猥不次雲頓首

又

永曜茂德遠量一時秀生竒蹤瑋寶灼爾凌羣  
光國隆家人士之望冀其永年遂播盛業攜手  
遐遊假樂此世奈何一朝獨先彫落奄聞凶諱  
禍出不意拊心痛楚肝懷如割奈何奈何豈況  
至性何可爲心臨書鯁塞投筆傷情

又

與永曜相得便結願好契濶分愛恩同至親憑  
烈三益終始所願中間離別但爾累年結想之  
懷夢寐仞佛何圖忽爾便成永隔哀心慟楚不

能自勝痛當奈何奈何義在奔馳率役萬里至  
心不叙東望貴舍雨淚霑襟今遣吏并進薄祭  
不得臨哀追增切裂幸損至念書重不知所言

又

永曜素自彊健了不知有此患險戲之災遂不  
可救豈惟貴門獨喪重寶此賢之殞邦家以瘁  
情分異他痛心殊深已矣遠矣可復奈何追想  
遺規不去心目悠悠無期哀至悲裂不知何言  
可以言知酷楚而已

弔陳伯華書

大君遠資高數世之瑰瑋當光裕大業茂垂勳  
名柰何日朝早爾喪墜自聞凶諱痛心割裂追  
惟哀摧肝心破剝痛當柰何柰何相念夙年奄  
嬰哀艱板墓不及當可爲心牽役遠路無因奔  
馳東望靈宇五情哽咽割切哀慕書重感猥不  
次

又

昔與大君分義款篤彌隆之愛恩加兄弟憑此

烈好要以始卒何圖大君獨先早世遠聞計問  
若喪四體拊心慟楚肝心如割奈何奈何豈况  
至性當何可言今遣吏恭集薄祭不得臨喪以  
叙悲苦計往人到貴舍之日揮涕而已投筆獻  
歎

春節帖

三月十六日雲白春節餘不適得示知足下平安爲思面未知何由如何信數之及卿旣清遂可之經高言人歎之當令征南取之也

陸清河集卷之六

晉吳郡陸雲士龍著

明閩漳張爕紹和纂

書

與兄平原書

一日案行并視曹公器物牀薦席具寒夏被七  
枚介幘如吳幘平天冠遠遊冠具在嚴器方七  
八寸高四寸餘中無鬲如吳小人嚴具狀刷膩  
處尙可識疏批別齒纖縋皆在拭目黃絮二在



垢垢黑目淚所沾沔手衣卧籠挽蒲棋局書箱  
亦在奏案大小五枚書車又作歧案以卧視書  
扇如吳扇要扇亦在書箱想兄識彥高書箱甚  
似之筆亦如吳筆硯亦爾書刀五枚琉璃筆一  
枚所希聞景初三年七月劉婕妤折之見此期  
復使人悵然有感處器物皆素今送鄴宮大尺  
間數前已白其總帳及望基田處是清河時臺  
上諸奇變無方常欲問曹公使賊得上臺而公  
但以變譎因旋避之若焚臺當云何此公似亦

春節帖

三月十六日雲白春節餘不適得示知足下平安爲思而未知何由如何信數之及卿旣清遂可之經高言人歎之當令征南取之也

陸清河集卷之六

晉吳郡陸雲士龍著

明閩漳張燮紹和纂

書

與兄平原書

一日案行并視曹公器物牀薦席具寒夏被七枚介幘如吳幘平天冠遠遊冠具在嚴器方七八寸高四寸餘中無鬲如吳小人嚴具狀刷膩處尙可識疏批別齒纖縊皆在拭目黃絮二在

垢垢黑目淚所沾泝手衣卧籠挽蒲棋局書箱  
亦在奏案大小五枚書車又作岐案以卧視書  
扇如吳扇嬰扇亦在書箱想兄識彥高書箱甚  
似之筆亦如吳筆硯亦爾書刀五枚琉璃筆一  
枚所希聞景初三年七月劉婕妤折之見此期  
復使人悵然有感處器物皆素今送鄴宮大尺  
間數前已白其總帳及望墓田處是清河時臺  
上諸竒變無方常欲問曹公使賊得上臺而公  
但以變譎因旋避之若焚臺當云何此公似亦

又

雲再拜二祖頌甚爲高偉雲作雖時有一佳語  
見兄作又欲成貧儉家無緣當致兄此謙辭又  
雲亦復不以苟自退耳然意故復謂之微多民  
不輟歎一句謂可省武烈未得有吳說桓王之  
事而云建其孤恐太祖不得爲桓王之孫雲前  
作此頌及信以白兄作游仙詩故自能劉氏頌  
極佳但無出言耳二頌不減復過所望如此已  
欲解此公之半歲暮賦甚欲成之而不可自用

得此百數十字今送不知於諸賦者不罷少不  
想少佳成當送到洛陳琳大荒甚極自雲作必  
過之想終能自果耳謹啓

二陸集並不見二祖  
頌劉氏頌游僊詩惟

歲暮賦耳  
所失多矣

又

雲再拜兵真凶事生來初不見習頗觀之正自  
使人意惡牟腸轉時極佳問人皆不解何以作  
此轉雖云欲相泄恐此正自取好耳說之不能  
工願兄試一說之張義元答員淵之回流崑崙

此河不體正自似急水中山石間是人謂回轉者但言之辭不工耳不知此中語於諸賦中如

又

頃日極勿勿病一十當出略通日在馬上此不可諧又恐信不及兄令以因休祖致又力作無錫書極無賴甚不備具如是更白問于中

又

雲再拜省諸賦皆有高言絕典不可復言頃有事復不大快凡得再三視耳其未精倉卒未能

爲之次第省述思賦深情至言實爲清妙恐故  
復未得爲兄賦之最兄文自爲雄非累日精拔  
卒不可得言文賦甚有辭綺語頗多文適多體  
便欲不清不審兄呼爾不詠德頌甚復盡笑省  
之惻然扇賦腹中愈首尾發頭一而不快言烏  
云龍見如有不體感逝賦愈前恐故當小不然  
一至不復減漏賦可謂清工兄頓作爾多文而  
新奇乃爾真令人怖不當復道作文謹啓

又



雲再拜祠堂贊甚已盡矣不與昔同旣此不容  
多說又皆一事非兄亦不可得見弔少明殊復  
勝前弔蔡君清妙不可言漢功臣頌甚矣恐弔  
蔡君故當爲最使雲作文好惡爲當又可成耳  
至於定兄文惟兄亦恕其無遺情而不自盡耳  
丞相贊云披結散紛辭中原不清利兄已自作  
銘此但頌實事耳亦謂可如兄意直說事而已  
右當復屬文於引便當書前銘耳謹啓

又

雲用拜誨欲定吳書雲昔嘗已商之兄此真不  
朽事恐不與十分好書同是出千載事兄作必  
日與皆人相去猶亡則已是過泰對事求當可  
曰耳陳壽吳書有魏賜九錫文及分天下文吳  
書不載又有嚴陸諸君傳今當寫送兄體中佳  
者可並思諸應作傳及作引甚單常欲引之未  
得兄所作引甚好雲方欲更作引述思賦儻自  
竭厲然雲意皆已盡不知本復何言方當積思  
思有利鈍如兄所賦恐不可須願兄且以示伯

聲兄弟

又

舊與前書合爲一篇  
語意不貫今折爲二

前日觀習先欲作講武賦因欲遠言大體欲獻  
之大將軍才不便作大文得少許家語不知此  
可出不故鈔以白兄若兄意謂此可成者欲試  
成之大文難作庶可以爲闢雎之見微謹啓

又

雲再拜往日論文先辭而後情尚潔而不取悅  
澤嘗憶兄道張公父子論文實欲自得今日便

欲宗其言兄文章之高遠絕異不可復稱言然  
猶皆欲微多但清新相接不以此爲病耳若復  
令小省恐其妙欲不見可復稱極不審兄猶以  
爲爾不茂曹碑皆自是蔡氏碑之上者比視蔡  
氏數十碑殊多不及言亦自清美愚以無疑不  
存三祖贊不可聞武帝贊如欲管管流澤有以  
常相稱美如不史願更視之小跛幾而悅突爲  
盡理雲今意視文乃好清省欲無以尙意之至  
此乃出自然張公在者必罷必復以此見調不

知九愍不多不當小減九悲九愁連日鈔除所  
去甚多才本不精正自極此願兄小爲之定一  
字兩字出之便欲得遲望不言謹啓

又

雲再拜仲宣文如兄言實得張公力如子桓書  
亦自不乃重之兄詩多勝其思親耳登樓賦無  
乃煩感丘其弔夷齊辭不爲偉兄二弔自美之  
但其呵二子小工正當以此言爲高文耳文中  
有於是爾乃於轉句誠佳然得不用之益快有

故不如無又於文句中自可不用之便少亦常  
云四言轉句以四句爲佳往曾以兄七爻回煩  
手而沈哀結上兩句爲孤今更視定自有不應  
用時期當爾復以爲不快故前多有所去喜霽  
俯煩習均弔誠重離此下重得如此語爲佳思  
不得其韻願兄爲益之謹啓

又

雲再拜嘗聞湯仲歎九歌昔讀楚辭意不大愛  
之頃日視之實自清絕滔滔故自是識者古今

來爲如此種文此爲宗矣視九章時有善語太  
類是穢文不難舉意視九歌便自歸謝絕思兄  
常欲其作詩文獨未作此曹語若消息小佳願  
兄可試作之兄復不作者恐此文獨單行千載  
間嘗謂此曹語不好視九歌正自可歎息王褒  
作九懷亦極佳恐猶自繼真玄盛稱九辯意甚  
不愛

又

雲再拜頃得張公封禪事平平耳不及李氏其

文無比恐非其所作欲見此公劉氏世頌有信  
願付雲頌又爲輔吳奮威作頌欲愈前頌然意  
並不以快遣信當送九懸三賦脫然謂可舉意  
假彼頌便有怯處想無又間便可耳大類不便  
作四言五言謹啓

又

雲再拜誨二賦佳久不復作文又不復視文章  
都自無次第文章旣自可矣且解愁忘憂但作  
之不工煩勞而棄力故久絕意耳在此悲思視



書不能解前作二篇後爲復欲有所作以慰小  
思慮便大頓極不知何以乃爾前登城門意有  
懷作登臺賦極未能成而崔君苗作之聊復成  
前意不能令佳而羸瘁累日猶云愈前二賦不  
審兄平之云何願小有損益一字兩字不敢望  
多音楚願兄便定之兄音與獻彥之屬皆願仲  
宣須賦獻與服繁張公語雲云兄文故自楚須  
作文爲思昔所識文乃視兄作誄又令結使說  
音耳兄所撰願且可付之此有書者更校善書

送信還望之謹啓

又

雲再拜疏成高作未得去省登遐傳因作登遐  
頌須臾便成視之復謂可行今並送之尙未定  
刊及比信今更有何所損益後八人了無事合  
會之才得二篇耳索度是淫鬼無緣在此中故  
不可作頌愁邑忽欲復作文臨時輒自云佳小  
久報不能視爲此故息意文欲定前於用功夫  
大小文隨了爲以解愁作爾今視所作不謂乃

極更不自信恐年時間復捐棄之徒自困苦爾  
兄小加潤色便欲可出極不苦作文但無新奇  
而體力甚困瘁耳謹索幼安在此令之草今任  
一弘不呼作工謹啓

又

雲再拜誨頌兄乃以爲佳甚以自慰文章當貴  
經緯如謂後頌語如漂漂故謂如小勝耳九愍  
如兄所誨亦殊過望雲意自謂當不如三賦情  
難非體中所長欲徧周流雲意亦謂爲佳耳然

不云其愈於與漁父吾今多少有所定及所欲  
去留粗爾今送本往不審能勝故不意亦殊未  
以爲了南去轉遠洛中勿勿少暇願兄勅所遣  
留爲當爾可須來不佳思慮益處未能補所欲  
去徹與察皆不與日韻思惟不能得願賜此一  
字雲作文如兄所論已過所望况乃敢當今兄  
有張蔡之懷得此乃懷怖也謹啓

又

雲再拜誨歲暮如兄所誨雲意亦如前啓情言

深至述思自難希每憶常侍自論文爲當復自  
力耳雲意呼發頭但當小不如復耳兄乃不好  
者試當更思之所誨雲文所比愁霖喜霽之徒  
實有可爾者登樓名高恐未可越爾楊四公黃  
胡頌恐此不得見比聞兄此誨若有喜懼交集  
祖德頌無大諫語耳然靡靡清工用辭緯澤亦  
未易恐兄未熟視之耳兄文方當日多但文實  
無貴於爲多多而如兄文者人不厭其多也屢  
覩諸故時文皆有恨文體成爾然新聲故自難

復過九悲多好語可耽詠但小不韻耳皆已行  
天下天下人歸高如此亦可不復更耳兄作大  
賦必好意精時故願兄作數大文近日視子安  
賦亦對之歎息絕工矣兄誨又爾故自是高手  
謹啓

又

雲再拜蔡氏所長惟銘頌耳銘之善者亦復數  
篇其餘平平耳兄詩賦自與絕域不當稍與比  
校張公昔亦云兄新聲多之不同也典當故爲

未及彥藏亦云爾又古今兄文所未得與校者  
亦惟兄所道數都賦耳其餘雖有小勝負大都  
自皆爲雄耳張公父子亦語雲兄文過子安子  
安諸賦兄復不皆過其便可可不與供論雲謂  
兄作二京必傳無疑久勸兄爲耳又思三都世  
人已作是語觸類長之能事可見幽通賓戲之  
徒自難作賓戲客語可爲耳答之甚未易東方  
士所不得全其高名頗有答極謹啓

又

雲再拜誨九愍如所勅此自未定然雲意自謂  
故當是近所作上近者意又謂其與漁父相見  
以下盡篇爲佳謂兄必許此條而淵弦意呼作  
脫可行耳至兄惟以此爲快不知雲論文何以  
當與兄意作如此異此是情文但本少情而頗  
能作汜說耳又見作九者多不祖宗原意而自  
作一家說惟兄說與漁父相見又不大委曲盡  
其意雲以原流放惟見此一人當爲致其義深  
自謂佳願兄可試更視與漁父相見時語亦無



他異附情而言恐此故勝淵弦兄意所謂不善  
願疏勅其處緒亦欲成之令出意莫更感如惡  
所在以兄文雲猶時有所能得言雲前後所作  
謹啓

又

雲再拜誨前二賦佳視之行已復不如初昔文  
自無可成藏之甚密而爲復漏顯世欲爲益者  
豈有謂之不善而不爲懷此不成意想兄已得  
懷之耳有作文惟尙多而家多猪羊之徒作蟬

賦二千餘言既無藻偉體都自不似事文章實  
自不當多古今之能爲新聲絕曲者無又過兄  
兄往日文雖多瑰錄至於文體實不如今日間  
在洛有所視已當報而比更隆以今意觀文見  
此真更以爲不盡善文熙云故日向人歎兄文  
人終來同殆以此爲病張公文無他異正自清  
省無煩長作文正爾自復佳兄文章已顯一世  
亦不足復多自困苦適欲白兄可因今清靜盡  
定昔日文但當鉤除差易爲功力誨已定敬長

誅意當闢與兄合雲久絕意於文章由前日見  
敦之後而作文解愁聊復作數篇爲復欲有所  
爲以忘憂貧家佳物便欲盡但有錢穀復羞出  
之而體中殊不可以思慮腹立滿背便熱亦誠  
可悲間視大荒傳欲作大荒賦旣自難工又是  
大賦恐交自困絕異往經比干墓悵然欲弔之  
無又卽意又事業

闕

又

雲再拜張公箴誅自過五言詩耳但雲自不便

五言詩由已而言耳玄恭誄自不及士祚誄兄  
丞相箴小多不如女史清約耳恐兄無緣思於  
此意猶云何而兄乃有高論更復無意雲故日  
不作文而常少張公文今所作兄輒復云過之  
得作此公輩便可斐然有所謝故自爲不及諸  
碑箴輩甚極不足與校歌亦平平彼見人讚叙  
者當與令伯論吳百官次第公卿名伯略盡識  
少交當具項作頌及吳事有愴然且公傳未成  
諸人所作多不盡理兄作之公私並叙且又非

常業從雲兄來作之今略已成甚復可惜事少  
功夫亦易耳猶可得五十卷謹啓

梅禹金云彼見以下疑別

又

義高家事正當付令文耳第彥長昔作吳事云  
三十卷可令欽求謹啓

又

雲再拜吳書是大業既可垂不朽且非兄述此  
一國事遂亦失兄諸列人皆是名士不知姚公

是爲作傳不可著儒林中耳不大識唐子正事  
愚謂常待便可連於尚書傳下書定自難雲少  
作書至今不能令成日見其不易前數卷爲時  
有佳語近來意亦殊已莫莫猶當一定之恐不  
全此七卷無意復望增欲作文章六七紙卷十  
分可令皆如今所作輩爲復差徒爾文章誠不  
用多苟卷必佳便謂此爲足今見已向四卷比  
五十可得成但恐胷中成癩爾恐兄胷疾必述  
作人故計兄凡著此之自損胷中無緣不病作

書猶差易讚叙亦復無幾年歲限之猶當小復  
謹啓

又

雲再拜一日曾公大欽欣命坐者皆賦諸詩了  
不作備此日又病極得思惟立草復不爲乃倉  
卒還還猶復多少有所定猶不副意與頌雖同  
體然佳不如頌不解此意可以不弘遠去當祖  
道似當復作詩構作此一篇至積思復欲不如  
前倉卒時不知爲可存錄不諸詩未出別寫送

弘遠詩極佳中靜作亦佳張魏郡作急就詩公  
甚笑燕王亦似不復祖道弘遠已作爲存耳兄  
園葵詩清工然猶復非兄詩妙者雲詩亦惟爲  
彼一語如佳先已先得便自委頓欲更作之昔  
如已身先此篇詩了不復徬彿識有此語此語  
於常言爲佳謹啓

又

雲再拜久不復作文了無復次第真玄昔屢聞  
周侯至論前比霖雨此下人亦作愁霖賦好醜



見救又因人見督自愁慘又了無復意此家勤  
勤難達之亦復毒此雨憂邑聊作之因以言哀  
思又作喜霽今送雲作爲易得耳窮不好故都  
絕意此間人呼作者皆休故不得有所送不審  
此何成已出之故爲存不棄耳謹啓

又

雲再拜一日視伯喈祖德頌亦以述作宜褒揚  
祖考爲先聊復作此頌今送之願兄爲損益之  
欲令省而正自輒多欲無可如省碑文通大悅

諭有似賦愚謂小復質之爲仕前作此頌書之  
行欲遣信以白兄昨聞有賊消息愁憤無賴旣  
冀又然又已成書聊以付信耳尋得李寵勸封  
禪草信自有才頗多煩長耳令逃問人又有張  
公所作已令寫別送臨紙罔罔不知所言謹啓

又

近得洛消息滕永適去二十日書彥先訪爲驃  
騎司馬又云似未成已訪難解耳敬屬司馬叅  
軍此間復失之恨不得與周旋戴允治見訪大

司馬謹啓

又

雲再拜君苗文天才中亦少爾然自復能作文  
雲惟見其登臺賦及詩頌作愁霖賦極佳頗倣  
雲雲所如多恐故當在二人後然未究見其文  
見兄文輒云欲燒筆硯以爲此故不喜出之曹  
志苗之婦公其婦及兒皆能作文頃借其釋論  
二十七卷當欲百餘紙寫之不知兄盡有不李  
氏云雪與列韻曹便復不用人亦復云曹不可

用者音自難得正謹啓

又

雲再拜令送君苗登臺賦爲佳手筆云復更定  
復勝此不知能愈之不其人推能兄文不可言  
作文百餘卷不肯出之視仲宜賦集初述征登  
樓前耶甚佳其餘平平不得言情處此賢文正  
自欲不茂不審兄呼爾不與玄亦云兄文當作  
宜輩宜得此巍巍耳愁霖霽殊自委頓恐此  
都自易勝謹啓

又

雲再拜誨頌兄意乃以爲佳甚以自慰今易上  
韻不知差前不不佳者願兄小爲損益令定下  
云靈旆電揮因兄見許意遂不恪不知可作蔡  
氏祖德頌比不景猷有蔡氏文四十餘卷小者  
六七紙大者數十紙文章亦是爲多然其可資  
者故復是常所文耳雲頃不佳思慮胸腹如鼓  
夜不便眠了不可又以有意兄不佳文章已是  
垂不朽不足又多謹啓

又

雲再拜稽邵周弼並處事不值免詔甚切甚念  
之悚息胡光祿亡宿士可痛含邵還云滔中書  
散騎並缺是其才不知何以乃古之謹啓

又

雲再拜頃哀思更力成歲暮賦適且畢猶未大  
定自呼前後所未有是雲文之絕無又憶兄常  
云文後成者恒謂之作貞小爾恐數自後轉不  
如今且欲寄之旣未大定又恐此信至兄已發

當因著洛體序

又

雲再拜兄前表甚有深情遠旨可耽味高文也  
兄文雖復自相爲作多少然無不爲高體中不  
快不足復以自勞役耳前集兄文爲二十卷適  
訖一十當黃之書不工紙又惡恨不精謹啓